

Broj: 829 /23

Dana: 24.04.2023. godine

Na osnovu člana člana 100.stav 3. Zakona o javnim nabavkama („Službeni glasnik BiH“, br.39/14 i 59/22), rješavajući žalbu na tendersku dokumentaciju za javnu nabavku PUTNIČKOG VOZILA ZA POTREBE HIGIJENSKO-EPIDEMIOLOŠKE SLUŽBE broj 669/2023 od 10.04.2023. godine, podnesenu od strane ponuđača „STEEL“ d.o.o. ZENICA dana 19.04.2023. godine, direktor ZU Dom zdravlja Velika Kladuša donosi

### **ODLUKU**

o usvajanju žalbe

#### **Član 1.**

**Usvaja se** žalba potencijalnog ponuđača „STEEL“ d.o.o. Zenica, na Tendersku dokumentaciju u otvorenom postupku javne nabavke roba- Putničko vozilo za potrebe Higijensko-epidemiološke službe, koji je objavljen na portalu javnih nabavki dana 10.04.2023. godine, broj Obavještenja o nabavci 957-1-1-26-3-13/23, i u „Službenom listu BiH“.

#### **Član 2.**

U skladu sa ovom Odlukom o usvajanju žalbe, Ugovorni organ će izvršiti izmjenu Tenderske dokumentacije, a ista će se objaviti na portalu javnih nabavki.

#### **Član 3.**

Ova Odluka stupa na snagu danom donošenja, a ista će biti dostavljena svim ponuđačima koji su preuzeli tendersku dokumentaciju na Portalu javnih nabavki i objavit će se na web stranici [www.domzdravljavkl.com](http://www.domzdravljavkl.com).

### **O b r a z l o ž e n j e**

ZU Dom zdravlja Velika Kladuša pokrenula je otvoreni postupak javne nabavke Putničkog vozila za potrebe Higijensko-epidemiološke službe, broj Obavještenja o nabavci 957-1-1-26-3-13/23, poslano na objavu na Portal javnih nabavki dana 10.04.2023. godine.

Nakon preuzimanja tenderske dokumentacije, potencijalni ponuđač „Stell“ d.o.o. Mostar izjavio je žalbu na tendersku dokumentaciju.

Ugovorni organ je na osnovu člana 110. Zakona o javnim nabavkama, obustavio postupak javne nabavke Odlukom broj 793/2023 od 19.04.2023. godine, do donošenja Odluke po žalbi.

Ugovorni organ je izvršio provjeru formalno pravnih pretpostavki za ulaganje žalbe, a koje moraju biti ispunjene na strani žalitelja kako bi se pristupilo njenom rješavanju, te je utvrdio da je žalba izjavljena blagovremeno, da je dopuštena i izjavljena od strane ovlaštenog lica, zbog čega je moguće dalje postupati po istoj.

U žalbi je između ostalog navedeno da tenderska dokumentacija nije usklađena sa članom 3. Zakona o javnim nabavkama, da je ugovorni organ u tački 3.5 Tenderske dokumentacije – Tehnička i profesionalna sposobnost- član 49.Zakona, zahtjevao sljedeće: „b) Dokaz da je ponuđač ovlašten partner za prodaju predmetne robe-Izjava ili ovlaštenje ili autorizacija da je proizvođač, odnosno generalni zastupnik odnosno ovlašten distributer ponuđenog vozila“, da se time od potencijalnih ponuđača zahtijevaju diskriminatorni uslovi, koji su u suprotnosti sa članom 3. i članom 54. ZJN-a, odnosno, zahtjeva se da su potencijalni ponuđači „ovlašteni od proizvođača“, da se ovaj zahtjev od ponuđača ne može postaviti kao uslov, jer ga

ne izdaje organ vlasti (stav 9. člana 54.), da je isti nezakonit prema mišljenju Agencije za javne nabavke BiH (Mišljenje AJN br. 03-02-1-747-2/19 od 20.03.2019. godine, u kojem se navodi: „Zakon ne dozvoljava da ugovorni organ odredi ovlaštenje proizvođača ka uslov kvalifikacije“, jer se time favoriziraju određeni ponuđači (proizvođači i oni ponuđači koje proizvođači ovlaste, dakle favorizovani su proizvođači i njihovi dileri), i krši se aktivna i pravedna konkurencija, bilo gdje da se zahtijeva u Tenderskoj dokumentaciji. Dalje se u žalbi traži da se u skladu sa navedenim, obriše sporni uvjet u tački 3. 5 Tenderske dokumentacije- Tehnička i profesionalna sposobnost, član 49. b) , te u ostalim dijelovima u Tenderskoj dokumentaciji gdje se to navodi, te postupi u skladu sa članom 43. ZIDZJN (član 100.) stav (3). Na kraju se u žalbi predlaže da ukoliko Ugovorni organ ne usvoji žalbu, da istu sa izjašnjenjem proslijedi Uredu za razmatranje žalbi BiH, te naloži Ministarstvu finansija i trezora BiH da žalitelju izvrši povrat naknade za vođenje žalbenog postuka kao i troškove angažovanja odvjetnika u postupku u visini od 300,00 KM, koji će biti uplaćeni na račun žalitelja, u skladu sa članovima 97., 99.100.,101.,102., i 103. Zakona o javnim nabavkama BiH („Službeni glasnik BiH“ broj 39/14 i dopunama ZJN BiH 59/22).

Nakon razmatranja predmetne žalbe, Ugovorni organ je utvrdio da je ista osnovana, uzimajući u obzir u žalbi navedeno Mišljenje Agencije za javne nabavke BiH broj 03-02-1-747-2/19 od 20.03.2019. godine, i u cilju osiguranja aktivne i pravedne konkurencije.


U vezi sa gore navedenim, uzimajući u obzir da se žalba uvažava, Ugovorni organ će na Portalu javnih nabavki objaviti izmjenjenu TD u skladu sa prihvaćenim izmjenama.

Na osnovu svega naprijed navedenog, odlučeno je kao u dispozitivu ove Odluke.

**Pouka o pravnom lijeku:** Protiv ove Odluke može se izjaviti žalba Uredu za razmatranje žalbi (URŽ), putem ugovornog organa u roku od pet (5) dana od dana prijema Odluke.

Dostaviti:

1. Svim učesnicima u postupku javne nabavke,
2. a/a.



Direktor

Prim. dr Evresa Okanović